

鐵嶺縣志卷十五

兵事

孟子曰春秋無義戰三代以下之戰其尚可問乎以數萬人之膏血博一姓之尊榮大抵如斯鐵嶺兵事遠不可稽明清之際去猶未遠今試過看花樓之故墟登高望遠李寧遠橫戈躍馬之雄風今猶有存者乎攷鐵嶺衛之廢城草枯蓬短喻成名慷慨死綏之遺烈今復有知者乎一爲匡時名將一爲勝國孤忠曾幾何時並其姓名而忘之俯仰流連令人浩歎有清以來別具形勢而鐵嶺地當省北咽喉實司鄧鎬北門鎖鑰時感風雲之會人懷湯沐之思熙來攘往一遊一嬉樂其樂利其利三百年於茲矣迨光緒末葉甲午中東之戰庚子聯軍之戰甲辰日俄之戰相繼而來鐵嶺無不適當其衝喘息未定國體又更民國以還迄無寧日頻年聽鼓鼙之聲百萬輸金錢之供豈遭時之不造乃我生之不振耳天發殺機龍蛇起陸今而後出水火而登衽席乎其拭目俟之矣志兵事

鐵嶺縣志卷十五

兵事

自漢迄元鐵嶺之兵事

漢武帝元封三年楊僕爲樓船將軍與左將軍荀彘共討朝鮮朝鮮人殺其王衛右渠降定爲樂浪臨屯眞番元菟四郡

南北朝時勿吉之粟末部嘗與高麗接戰勝兵數千多驍勇每寇高麗唐高宗總章元年遼東行臺大總管李勣率將軍薛仁貴等拔扶餘以南仁蘇木底蒼巖諸城

唐武后萬歲通天間渤海大祚榮崛起據東牟山殺營州都督趙麟唐命李楷固擊之大祚榮率高麗靺鞨之兵拒楷固楷固敗還大氏遂號

鐵嶺縣志

卷十五 兵事

二

鐵嶺縣立第一工科印

震國王始於遼東之北境築城郭設職官編戶十餘萬勝兵數萬人

按鐵嶺於漢唐時代地屬遐荒孤懸徼外偶有兵事每疑牽合鋪張未有確據况人物代謝世界滄桑今昔不同無待辯言然山川形勢振古如斯徵之史冊攷之地理豈無據哉鐵嶺在漢時屬挹婁國漢之定四郡乃武帝元封三年事也挹婁何時廢滅史冊無稽而鐵嶺在是時實屬於樂浪郡無疑唐高宗總章元年拔扶餘以南仁蘇木底蒼巖諸城攷扶餘即今開原以北之地其以南諸城雖無可攷而本境即在開原之南唐時設安東都護府以統轄之本境實在統轄之內唐武后萬歲通天間渤海大祚榮拒東牟山敗李楷固並於遼東之北境築城郭設職官編戶十餘萬勝兵

數萬云云攷東牟山即今瀋陽東之天柱山遼東之北境即毗連扶餘之南境本境又實屬於靺鞨今雖無彼時城郭遺趾而年湮代遠故老無傳後之人率多流寓來此當無從考據耳

遼太祖天贊四年伐渤海大元帥耀庫濟從天顯元年詔諭渤海郡縣降遼景宗保寧八年秋八月女直侵貴德州東境

按貴德州即今之大汎河村也

遼聖宗統和二十八年五月丙午高麗西京留守康肇弒其主誦擅主誦從兄詢詔諸道繕甲兵以備東征丁卯帝自將代高麗辛卯遣樞密直學士高正引進使韓杞宣問高麗王詢十一月乙酉大軍渡鴨綠江康肇拒戰敗之退保銅州丙戌肇復出右皮室詳袞原作詳穩耶律達魯原作敵魯鐵嶺縣志

肇及其副將李立追殺數十里獲所棄糧饜鎧仗戊子銅霍貴寧等州皆降

按本境自此始由高麗而入遼之版圖

遼天祚皇帝天慶四年十二月咸賓祥三州及鐵驪烏舍原作兀惹皆叛入女

直伊實原作伊葛往援賓州南軍諸將實喇原作實婁圖烈原作特烈等往援咸州並為女直

所敗

按咸州即今城北平頂堡村

遼天祚皇帝天慶八年春正月丁亥遣耶律努克原作奴哥等使金議和庚寅

保安軍節度使張崇以雙州二百戶降金

按雙又作寔見汎河洞石碣本境自此又由遼而入金之版圖

金太祖天輔四年三月甲辰上謂羣臣曰遼人屢敗遣使求成惟飾虛辭以爲緩師之計當議進討其令咸州路統軍司治軍旅修器械具數以聞

辛酉詔咸州路都統司曰朕以遼國和議無成將以四月二十五日進

師令色克原作斜葛留兵一千鎮守棟摩原作闕母以餘兵來會於渾河

金世宗時有幹罕爲亂旋平之咸平人移刺道任咸平尹世宗諭曰咸平自幹罕亂後民業未復聽歸鄉里所以安輯一境也

元太祖時金北邊千戶耶律留哥合兵十餘萬稱遼王改元元統盡有遼東諸郡都咸平後歸元仍爲遼王

### 有明一代鐵嶺之兵事

## 鐵嶺縣志

卷十五 兵事

四

鐵嶺縣立第一工科印

隆慶時蒙古遺裔俺答雖已歛塞而插漢即察哈爾部長土蠻與從父黑石炭

弟委正大委正從弟煖兔拱兔子卜言台周從子黃台吉勢方强泰寧

部長速把亥炒花朶顏部長董狐狸長昂佐之東則王果王兀堂清佳

努楊吉努之屬亦時窺塞下鐵嶺居兩敵之間時聞寇警萬曆元年土

蠻深入境內署遼東督都僉事李成梁率師禦之大破敵衆於鎮西堡

乃增築長邊以嚴守禦萬曆十二年土蠻把兔兒欲報其父速把亥之

怨速把亥於十年死義州李成梁之參將李平胡射中肩蒼頭李名有斬之糾西部以兒鄧等以數萬騎掠瀋陽既退駐牧遼

河聲犯開原鐵嶺時李成梁已加太子太保封寧遠伯與巡撫李松潛

爲浮橋濟師踰塞窮追土蠻敗走

萬曆二十五年遼東副總兵李如梅與參政楊鎬謀從鎮西堡出塞襲

土蠻失利損部將十人士卒百六十人如梅以血戰重創免罪

萬曆四十六年三月清太祖征明書七恨告天其五恨曰柴河山岔撫安三路我累世分守疆土之衆耕田藝穀明不容刈穫遣兵驅逐恨五也觀此則明清之間鐵嶺南境東境久爲戰爭之地矣

萬曆四十七年時明將李成梁及其子如松已歿明廷念李氏宿將起用李如柏典兵惟怯無能薩爾濟之役遼東經略楊鎬四路出師如柏防懿路城南六十里措置疏忽及鎬聞杜松馬林敗檄如柏還遂棄鐵嶺是年清兵攻鐵嶺斬游擊喻成名史鳳鳴李克恭而總兵賀世賢敗於三公子及灰山城遂陷李成梁一門殉焉

### 有清一代鐵嶺之兵事

## 鐵嶺縣志

卷十五 兵事

五

鐵嶺縣立第一工科印

康熙二十五年俄羅斯之哥薩克人踞黑龍江北清聖祖征之道經鐵嶺駐蹕於城東龍首山之南

咸豐二年洪楊之亂其黨林鳳翔李開芳擾河南山東直隸京畿震動盛京將軍檄境內四旗制兵隨軍往勦五年瓜代始歸而邑兵羅姓喬姓何姓蕭姓皆死綏

光緒二十年中東之戰日本渡鴨綠江連陷東邊各城而南路蓋平營口海城又相繼失守黑龍江將軍依克唐阿統敵愾軍駐大高嶺旋移師遼陽南耿莊子於鐵嶺設後路前台灣布政使于蔭霖字次棠吉林人後官湖南巡撫統之

爲後路督辦練軍籌餉咸集於此邑人武進士李葆真亦由前敵回籍練効義營五百人以助防守次年和議成以次遣散

光緒三十年日俄之戰俄於縣南各邨屯修治道路以備運兵又於境之南山增修戰壘三十一年春二月日本兵至瀋陽迤北其中權隊出邑南懿路其旅順軍第二縱隊則陣於邑西南之石佛寺爲攻取新台子之計俄則大隊據汎河以禦之日本旋渡遼河擊退陳千戶屯之俄兵破新台子車站更進至范家屯而東境日軍菊池大隊復由張家樓子渡汎河小原聯隊攻樹牙屯遂合隊攻城南八里之八里莊俄兵敗退據縣東駐蹕龍首二山開礮轟擊戰至日暮俄乃焚糧餽棄車站斷城北鐵橋而退此光緒三十一年二月初十日事也

宣統三年八月革命事起十月奉天設保安會於省諮議局鐵嶺縣令徐麟瑞准省電招集各界組織鐵嶺保安分會適徐令卸事未及實行

### 鐵嶺縣志

卷十五 兵事

### 六

鐵嶺縣立第一工科印

延至十二月二十六日清帝遜位宣布共和國體已定有徐劔秋者徐令麟瑞之族弟也自稱革命招討使糾合開原趙希孟同江口戴秀山等集其黨羽多人於民國元年二月十五日即辛亥十二月二十八日夜放火攻城巡警與之戰敗之次日午後縣令高士英警務長趙連芳不戰相偕棄城去城中無主僞革軍始入城劫放監獄盤踞縣署復拘集各界首事諸人捐索銀錢槍械勢極凶悍壬子正月初三日探悉援軍將至始去先是城內原駐有陸軍一聯竟先期拔隊去城東十二里之熊官屯及事定始回

同時又有城南六十里之鮑家岡孫靖一者稱受革命軍密劄驅逐該處巡警劫其軍械自稱起義與巡防隊戰於官糧窖之南山甫交綏斃

孫靖一於陣其他皆烏合頃刻譁散擒獲十餘名回縣正法亂始定  
民國以來鐵嶺之兵事

三年八月政府頒對於歐洲戰事局外中立條規二十四條到縣  
五年七月蒙匪巴布札烏泰內犯洮南梨樹同時告警奉軍出兩師討  
之大軍過境商民供以牛酒

六年衛送歐洲各交戰國人三起過境

八年七月吉林督軍孟恩遠內調致激軍潮長春鎮守使裴其勳及其  
部下高士斌同被牽動奉軍以重兵前往道出鐵嶺除由商會撥派供  
應外其被住兵之商戶甚多

按是役經調解罷兵

鐵嶺縣志

卷十五 兵事

七

鐵嶺縣立第一工科印

十年奉軍入山海關大軍過境者甚衆

十一年奉軍入山海關駐鐵奉軍拔防去鐵

按是役一戰於長辛店再戰於蘆溝橋旋罷兵休息

十二年奉軍入山海關吉黑二省大軍過境是年十二月東三省保安  
總司令部令徵鐵嶺應攤軍草四百四十萬觔

十三年奉軍入山海關奉天兵站處徵鐵嶺戰時軍草三百萬觔

十四年奉軍入山海關奉天糧秣場徵鐵嶺平時給養軍草一百五十  
萬觔十月又徵大車四百五十輛民夫一千二百名羸馬六百匹

按是年奉軍令楊宇霆督江南令姜登選督安徽十月郭松齡稱  
兵旋敗就擒

十五年奉軍入山海關奉天兵站總監部令徵鐵嶺戰時軍草二百萬  
劬二月徵民夫二百名四月又徵民夫一百二十名大車六十輛是年  
秋奉天糧秣場又徵鐵嶺應攤平時給養軍草二百萬劬

按是年奉軍入北京下北口

十六年奉軍入山海關八月徵鐵嶺民夫一百六十名大車四十輛  
十七年十二月三十日因南北統一奉文鐵嶺改懸青天白日旗  
十八年奉軍北去防俄十一月徵鐵嶺民夫一百九十六名大車九十  
八輛